

Қазақстан Республикасы Президентінің 1996 жылғы 27 қыркүйектегі N 3120 Жарлығына өзгерістер мен толықтырулар енгізу туралы

Күшін жойған

Қазақстан Республикасы Президентінің 2004 жылғы 2 тамыздағы N 1410 Жарлығы. Күші жойылды - Қазақстан Республикасы Президентінің 2006 жылғы 10 қазандағы N 198 Жарлығымен

Күші жойылды - Қазақстан Республикасы Президентінің 2006 жылғы 10 қазандағы N 198 Жарлығымен .

"Қазақстан Республикасының азаматтығы туралы" Қазақстан Республикасының 1991 жылғы 20 желтоқсандағы Заңына өзгерістер мен толықтырулар енгізілуіне байланысты қаулы етемін:

1. "Қазақстан Республикасының азаматтығына байланысты мәселелерді қарау тәртібі туралы" Қазақстан Республикасы Президентінің 1996 жылғы 27 қыркүйектегі N 3120 Жарлығына мынадай өзгерістер мен толықтырулар енгізілсін:

1) жоғарыда аталған Жарлықтың 1-тармағындағы және Жарлыққа қосымшаның бүкіл мәтіні бойынша "Ереже" деген сөз "Ережелер" деген сөзбен ауыстырылсын;

2) азаматтыққа байланысты мәселелерді қарау тәртібі туралы Ережелердің 2-тармағының бірінші және екінші абзацтары мынадай редакцияда жазылсын:

"2. Қазақстан Республикасының азаматтығына Қазақстан Республикасының аумағында кемінде бес жыл заңды негізде тұрақты тұратын не Қазақстан Республикасының азаматтарымен кемінде үш жыл некеде тұрған адамдар қабылдана алады. Қазақстан Республикасының азаматтығына қабылдау туралы өтінім берілген сәтте адамның тұру мерзімі және некеде болу мерзімі үзіліссіз
б о л у ғ а т и і с .

Заңның 16-бабы 1) тармақшасының екінші абзацында және 2) тармақшасында көрсетілген адамдар тұру мерзіміне қарамастан Қазақстан Республикасының азаматтығына қабылдана алады.";

3) 3, 12 және 14-тармақтардағы "екі дана" деген сөздер алынып тасталсын;

4) 3-тармақтың екінші абзацы мынадай сөйлеммен толықтырылсын:

"Аталған құжаттардан басқа тарихи отаны ретінде Қазақстан Республикасына тұрақты тұру үшін қайта оралған адамдар оралман куәлігін, шетел азаматына арналған тұру рұқсатын және шетел азаматтығынан бас тарту туралы өтінішін тапсырады.";

5) 4-тармақ алынып тасталсын;

6) 5-тармақ мынадай редакцияда жазылсын:

"5. Заңның 17-бабы бірінші бөлігінің 7) тармақшасының ережесі Заңның 16-бабы бірінші бөлігінің 1) тармақшасының екінші абзацында көрсетілген және ішкі істер органдарына шетел азаматтығынан бас тарту туралы жазбаша өтініш берген адамдарға қолданылмайды. Өтініш берген адамдар Қазақстан Республикасының азаматтығына қабылданған жағдайда мұндай өтініш фактісі туралы ақпарат, сондай-ақ олардың ұлттық паспорты тиесілі шет мемлекетке жіберіледі. Бұл норма адам азаматы болып табылатын мемлекеттің заңы ол ерікті түрде басқа азаматтықты қабылдаған кезде азаматтығынан өзінен-өзі айрылуын көздейтін жағдайларда да қолданылмайды.";

7) 7-тармақтың екінші абзацы мынадай редакцияда жазылсын:

"Азаматтықты өзгерту туралы өтініштер міндетті түрде тіркелуге және қарауға жатады. Өтініш беруші осы Ережелерде көзделген барлық құжаттарды Заңмен белгіленген мерзімде тапсырмаған жағдайда, өтініш бойынша іс тоқтатылып, ол туралы өтініш білдіруші жазбаша түрде хабардар етіледі.";

8) 8-тармақтың екінші абзацы мынадай редакцияда жазылсын:

"Облыстардың, Алматы қаласының және Астана қаласының ішкі істер басқармалары материалдарды ұлттық қауіпсіздік органдарының пікірімен қоса және олар бойынша қорытындыларды Ішкі істер министрлігіне жібереді, ол өз қорытындысын жасайды және оны материалдармен бірге Қазақстан Республикасы Президенті Әкімшілігінің Мемлекеттік құқық басқармасына ұсынады.";

9) 8, 9, 10, 21, 27 және 32-тармақтардағы "Мемлекеттік-құқық бөліміне", "Мемлекеттік-құқық бөлімі" деген сөздер "Мемлекеттік-құқық басқармасына", "Мемлекеттік-құқық басқармасы" деген сөздермен ауыстырылсын;

10) 10-тармақ алынып тасталсын;

11) 11-тармақта "Қазақстан Республикасы Президенті жанындағы Азаматтық мәселелері жөніндегі комиссияға" деген сөздер "Қазақстан Республикасы Президенті Әкімшілігінің Мемлекеттік-құқық басқармасына" деген сөздермен ауыстырылсын;

12) 12-тармақта "Әділет министрлігінің Сот қаулыларын орындау жөніндегі комитетінің" деген сөздер "Қазақстан Республикасы Жоғарғы Сотының сот әкімшілігі жөніндегі комитетінің" деген сөздермен ауыстырылсын;

13) 18-тармақтың екінші абзацы мынадай редакцияда жазылсын:

"Заңның 16-бабы бірінші бөлігінің 1) тармақшасының ережелері бұрын Қазақстан Республикасының азаматтығында тұрған адамдарға қолданылмайды.";

14) 30-тармақтың үшінші абзацында "бес" деген сөз "үш" деген сөзбен ауыстырылсын.

2. Осы Жарлық қол қойылған күнінен бастап күшіне енеді.

Қазақстан Республикасының

Президенті

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК